庫全書

子部

刑部郎中許北椿覆勘 詳校官中書臣孫 球

總校官庶吉士臣 校對官無吉士臣 **腾録監生臣宣葆光** 陳崇本 侍

朝

淡之四華全書 の記念を記る 計画 金融品的 ALTERNATION OF THE PROPERTY OF THE PERSON OF 西山讀書記 儒家類

志氣	志	卷四	ال	卷三	性情心	心性	性	シャン・ シン・
								E·食

Property of the second					******		
次定四軍全書 一人 元亨利貞	卷五	治情	情	念慮	思	意	氘
西山詩書記					-		
15							

義利

欽定四軍全書	仁孝	仁智	仁禮	仁義	卷九	信	智	禮
11 录音記					-			
μ(

禮義信	智聖	智禮	禮樂	禮義	卷十	勇	智仁禮

Calonal Like 卷十二 卷十一 忠信 信義禮 順信 善信 德禮 西山讀書記

卷十三 卷十三 卷十三 卷十三 卷十三

老十七	中	道德	才德	卷十六	徳業	德 行	德
西山諸書記			·				
<u>5</u>					-		


PRINTERS CARRIED TO STREET

卷二十	数下	卷十九	敬上	卷十八	誠	極	金ダログを書
					·		目録
							٠
-							-

大學	卷二十二	小學	小學大學	教法	師道	卷二十一	學
西山讀書記							
<u>.</u> \$							

金グレノとこと 卷二十四 卷二十三 易要指 書要指 詩要指 禮要指 語孟要指 春秋要指 日録

文定四軍全書 西天學二	廣大學一	讀書之法	讀書之序	卷二十五	六經之指	六經之教	詩禮樂
月展·荷書記. 上							



於定四軍全書 西山讀書記 周子二程子傳授	韓子之學	首楊董丈中子之學	子思孟子傳授	卷三十	孔門諸子之學	卷二十九	孔子類曾傳授
				·			


AND THE PERSON NAMED IN

卷三十二 卷三十一 朱子傳授 君子善人有恒之分 聖賢氣象 張氏呂氏之學 程張門人之學 邵子張子之學

次定日華主書 人	安義命	處死生	處患難	處富事	處質賤	卷三十三	君子小人之分
西山清香記							分
<u></u>		,					1

西道異端之辨下	卷三十六	吾道異端之辨上	卷三十五	辭受	仕隱	進退	卷三十四	ことと しょく
		·						

五行	乾坤	天地之心	天地之道	卷三十八	天地之形體	陰陽	卷三十七
₹		- 1					



慶元年德秀門人湯漢序稱讀書記惟甲乙 從其子仁夫鈔得釐為二十二卷而刊之福 行義久進於朝其下未及繕寫而德秀沒漢 丙為成書甲乙二記先刊行乙記上即大學 與書録解題合中多己記二十二卷前有開 九卷今世所傳明時舊刊本甲丁二記卷數 史格言而述以已意今但有甲三十七卷丁 二卷乙丙未見故載於文獻通考者僅三十 西山讀書記

金少上人二 有綱目一 P 刊 裕而止盖撰次未完者丁記上卷皆論出處 夏以來名臣賢相事業畧仿編年之體前亦 有綱目一篇具詳論次先後之古己記載虞 州據此則丙記原書本闕乙記為湯漢所 大義下卷分處貧賤處患難處生死安義命 記自論天命之性至論鬼神各分標目 振孫惟見初行之本故止於甲丁二記 一篇謂記於五閏而書中至唐李德 也 前 續

義羽翼聖經推闡已無遺藴此書乃分類 審輕重諸目與上卷互相發明德秀大學行 録以為下學上達之本故自身心性命天地 行義所未及詳者則於己記中備著其事伴 論徵引極多皆有裡於研究至於致治之法 五行以及先儒授受源流無不爐析名言緒 用無該之學於此更可見一班矣乾隆四十 古今與衰治忽之故犁然可睹足便觀覽體 西山静書記

次定日車全書

一年三月恭校上 官臣陸

西山讀書記原序 西山先生讀書記惟甲乙丁為成書甲丁二記近年

屋壁乃今出而流布使夫有志於尊主庇民者讀是書 先生之嗣子仁夫右司傳鈔以來手自校定釐為二十 繕寫而先生沒養藏於家學者罕見之漢來建安請於 山學官已刊行乙記上則大學行義是也其下卷未及 二卷将欲刊之倉臺適福之郡文學吳塵編盡簡久蟄

火江马车全事 月

西山藏書記

蚤正而素講

日當大任据十載而施四事真儒之效

堂 説 本僅至李文饒止今不敢朝補之又元素問有附注别 庶幾復見於天下是則先生佐王之學與天地相終始 者乃漢 初業者其無所疑云告開慶改元十月初吉門人 非其平日至大至公之心也哉綱目於於五季而養 湯溪謹書 時所見先生未及有所去取今皆削之觀

異其名故以次於道德之後士之求道入德将何所自 五典之次道德繼之曰中曰一曰極曰誠胥是道也而 人所共由之謂道得之於已之謂德其實非有二也故 性命者義理之源故以為編之首性之發為情而心則 夫婦長幼朋友者率性之道也故五常之次五典繼之 統予性情者也故性之次曰心曰情此三者一編之綱 也其目則曰仁義禮智信者天命之性也父子君臣 請書記綱目

文三四年八三三

西山請書記

之所以異皆學之事故以次於大學之後陰陽造化之 之以聖賢為師而辨君子小人之所以分與吾道異端 言學次之曰師道曰敖法又次之曰小學曰大學又次 始亦曰學而已矣敬者學之本根故列於學之首其泛 終馬門人番陽湯漢再識 理其略已見前性命篇其未備者復列於此以為編之 をラモノと言

惟后 書湯點曰惟皇上帝降東于下民若有恒性克緩厥猷 欽定四庫全書 西山讀書記卷 此成湯語萬邦之詞〇孔氏曰皇大也東善也順人 天命之性 宋 真德秀 撰

文定四車主書

有常之性能安立其道則惟在於君唐孔氏曰天生

西山讀書記

をとしまし 蒸民與之五常之性使有仁義禮智信是天降善於 字只是無過不及之中是恰好底道理天生人物各 子曰自天而言謂之降東自人受此東而言則謂之 民也○程子曰以形體謂之天以主宰謂之帝○朱 有之中劉子所謂民受天地之中相似昔人云東善 有一至當恰好底道理降與爾與程子所謂天然自 性其要在降字上猷即道道者性之發用處又曰衷 也却未親切〇林氏曰天能降東于民不能使民保

具仁義禮智信之理無所偏倚所謂衷也人之禀命 欲無主乃亂之言相為終始○蔡氏曰天之降命而 言祭之暴虐夫民以亡天下則以此言為先盖推本 上天所為立君又民之意與仲虺之點惟天生民有 之性以安其所謂道者是乃君之事故曰云云湯欲 失其所降之衷也民既有降東之性至於循其固有 曰天生民而立之君使司牧之勿使失性者謂勿使 其常性而勿失故為之君而付之以教命之任師曠

文定四軍 全書

西山清書記

情言也上帝降衷下民以性言也仲虺即情以言 言則無有偏倚順其自然固有常性矣以禀受而言 經言性始見於此〇又伊川曰兹乃不義習與性成 之安於其道故曰克綏殿猷惟后夫天生民有欲以 則不無清濁純雜之異故必待君師之作而後能使 之自然而有仁義禮智信之行所謂道也以降東而 而得仁義禮智信之理與心俱生所謂性也循其理 之欲成湯原性以明人之善盖互相發云○愚按六

怎一

懿德 詩蒸民之首章曰天生蒸民有物有則民之秉爽好是 安〇安於其道謂父安於慈子安於孝之類 間也可不敬哉〇蔡氏說若有恒性與諸說異恐木 言真若天之與人交相付受明命赫然不離心目之 賢之言東曰降東命曰降命才曰降才深味降之一 是又兼習而言與湯言降東之性亦互相發也〇聖 此尹吉甫美宣王之詩〇朱子曰天生衆民有是物 西山南言記

多厅匹库全書 貌之恭言之順君臣有義父子有親之類是也是乃 婦長幼無非物也而莫不有法馬如視之明聽之聪 身之則為君止於仁為臣止於敬為子止於孝為父 之以證性善之說其指深矣○按朱子此語本之龜 讀詩至此而贊之曰為此詩者其知道乎而孟子引 民所執之常性故於其情無不好此美徳者昔孔子 必有是則五官百骸九竅五藏而達於父子君臣夫 山楊氏而小異蓋楊氏曰視聴言動必由禮馬此一

衷善無不備也失其所以為人之道則雖名為人也 故也人生於天地之中其所以名為人者以天之降 故凡言君不君臣不臣父不父子不子皆以失其則 是物必有是則首失其則實已非矣其得謂是名哉 方為則若便以物為則非也而南軒張氏有曰夫有 不盡取也○朱子又曰物指形氣則乃理也物之理 自然今日必由禮止於仁則人道之當然矣故朱子 止於慈此君臣父子之則愚謂有物有則乃天理之

欽定四軍全書

基山 讀書記

是以有動作禮義威儀之則以定命也 春秋左氏傳劉康公曰民受天地之中以生所謂命也 終个字自古聖賢上下數千年喚得都一般必竟是 意盖指大本之中也又問劉子所謂中即周子所謂 中與程子天然自有之中是一意否未子曰只是 程于曰民受天地之中以生天命之謂性也〇問受 太極否曰只一般但名不同中是恰好處○又曰這

而實何如哉其言深有警馬故附於此

欽定四庫全書 1 易大傅一陰一陽之謂道 過之非中也不及亦非中也所以然者以其有定命 聖賢傳授不斷故能如此至春秋時其傳猶未泯 朱子曰陰陽送運者氣也其理則所謂道〇程子曰 身言禮義以理言威儀以著於外者言 劉康公論人受中以生其窮理甚精○愚按民受天 也命出於天一定而不可易雖欲違之得乎動作 地之中以生故凡動作禮義威儀皆有自然之準則 卷一語言記 Ā

繼之者善也成之者性也 道具於陰而行於陽繼言其發也善謂化育之功陽 陽者道也如一闔一闢謂之變 而下者道形而上者又曰道非陰陽也所以一陰 猶是說成之者性只一陰一陽之道可知做人做物 之事也成言其具也性謂物之所受言物生則有性 離陰陽便無道陰陽氣也所以陰陽者是道也氣形 而各具是道也陰之事也○問性具仁義禮智曰性

為物渾是一箇道理故未生人物以前此理本善所 是這箇陰陽是熟使之然也乃道也此氣之動為人 夜陰以一月言之則望前為陽望後為陰以一歲言 凝成有主之意〇問云云曰以一日言之則畫陽而 成之者性利貞也〇繼是接續綿綿不息之意成是 曰陰陽只是陰陽道便是太極○繼之者善元事也 巳具是四者矣○問一陰 "則春夏為陽秋冬為陰從古至今恁地滾將去只 -西山讀書記 一陽之謂道便是太極否

静也○天地變化不為無陰然物之未形則屬乎陽 未始有窮陽之動也人物禀受一定而不可易陰之 物正其性不為無陽然形氣已定則屬乎陰張忠定 而言成之者性自人物禀受而言陰陽變化流行而 各正性命此成之者性也〇繼之者善自陰陽變化 性〇大哉乾元萬物資始乃繼之者善也乾道變化 公云云事未著字以前屬陽著字以後屬陰似窺見 以謂繼之者善氣質既定為人為物所以謂成之者 次定四軍全事 孝經子曰天地之性人為貴 陰 與天道耳 性善至於性之所以善亦少曾說必如孔子所謂 子教人纔開口便說性善是如何曰孟子亦大縣說 無繼便是合殺了問繼是動静之間否曰是静之終 此意〇繼之者善繼字是動之頭若只一闔一闢而 動之始也○問孔子言性與天道不可得而聞而孟 陽之謂道繼之者善也成之者性也方是說性 西山讀者記 <u>ئد</u>

プシャンて・ル 貴於物然後知仁誼知仁誼然後重禮節重禮即然 子曰天地之性人為貴明於天性 弟之親出有君臣上下之誼會聚相遇則有者老長 董子曰人受命於天固超然異於草生入有父子尺 服牛乗馬圈豹檻虎是其得天之靈貴於物也故孔 後安處善安處善然後樂循理樂循理謂之君子故 所以贵也生五榖以食之桑麻以衣之六畜以養之 幼之施燦然有文以相接雕然有恩以相爱此人之 と 知自贵於物知自

異哉失其性而自賊之過也〇西山李氏曰人之性 亦且有義故最為天下之貴也其論似矣至其論性 木有生而無知禽獸有知而無義人有氣有生有知 即天地之性也〇愚按首子曰水火有氣而無生草 性人為貴然人之下愚卒至於同乎物者豈賦予之 乳子曰不知命無以為君子此之謂也〇龜山楊氏 則以為惡論禮則以為偽何其自相戾耶 曰人禀五行之秀氣而靈於萬物者也故曰天地之

ステンコラ A149

西山讀書記

金グロアノニー 庸天命之謂性率性之謂道修道之謂教 朱子曰命猶令也性即理也天以陰陽五行化生萬 節之也性道雖同而氣禀或異故不能無過不及之 率循也道猶路也人物各循其性之自然則其日用 因各得其所賦之理以為健順五常之德所謂性也 物氣以成形而理亦賦馬猶命令也於是人物之生 差聖人因人物之當行者而品節之以為法於天 事物之間莫不各有當行之路是則所謂道也修品

而四時五行庶類萬化莫不由是以出以性言之則 之所以命乎人者是則人之所以為性也盖天之所 自不能已矣○或問云云何也曰天命之謂性言天 本於天而備於我學者知之則其於學知所用力而 道之所以為道聖人之所以為敖原其所自無一不 生而莫非全體者性也故以命言之則曰元亨利貞 以賦與萬物而不能自巳者命也吾之得乎是命以 則謂之教若禮樂刑政之屬是也盖人之所以為

Caller Line

西山讀書記

金万旦屋人三 莫不自然各有當行之路是則所謂道也盖天命之 率性之謂道言循其所得乎天以生者則事事物物 其間盖在天在人雖有性命之分而其理則未常不 於仁民爱物皆道也循其義之性則自君臣之分以 性仁義禮智而已循其仁之性則自父子之親以至 吾之性所以純粹至善而非若首楊韓子之所云也 曰仁義禮智而四端五典萬事萬物之理無不統於 在人在物雖有氣禀之異而其理則未嘗不同此 巷

欽定四軍全書 怜開落亦皆循其性而各有自然之理馬至於虎狼 氣之偏而不能有以貫通乎全體然其知覺運動禁 之父子蜂蟻之君臣豺獺之報本雌雄之有别則 者不假人為而無所不問雖鳥獸草木之生僅得形 求而無所不備所謂性者無一物之不得故所謂道 節文皆道也循其智之性則是非邪正之分别皆道 也盖所謂性者無一理之不具故所謂道者不待外 至於敬長尊賢亦道也循其禮之性則恭敬辭讓之 西山讀書記

是則所謂教也盖天命之性率性之道皆理之自然 過恩不肯者或失之不及而得於此者亦或不能無 淄厚薄之禀亦有不能不異者是以賢智者或失之 而人物之所同得者也人雖得其形氣之正然其清 謂教言聖人因是道而品節之以立法垂訓於天下 也是宣有待於人為而亦宣人之所得為哉修道之 天命之本然初無間隔而所謂道者亦未嘗不在是 形氣之所偏又反有以存其義理之所得尤可以見 次定四軍全書 一 賤之等而使之各盡其分則義之為教行矣為之 殺而使之各盡其情則仁之為教立矣有以别其贵 下使夫過不及者有以取中馬盖有以辨其親疎之 故能因其道之所在而為之品節防範以立教於天 行之宜惟聖人之心清明純粹天理渾然無所虧闕 則於所謂道者因亦有所乖戾好逆而無以適於所 免有所昏散錯雜而無以全其所受之正性有不全 失於彼是以私意人欲或生其間而於所謂性者不 西山諸書記

則聖人所以材成之道而致其彌縫輔贊之功然亦 其用制其取用之節以遂其生皆有政事之施馬此 之物則亦順其所欲違其所惡因其材具之宜以致 如是是以人無知愚事無大小皆得有所持循據守 開導禁止使之有以別而不差則智之為教明矣夫 度文為使之有以守而不失則禮之為教得矣為之 未始外乎人之所受乎天者而强為之也〇問天 以去其人欲之私而復乎天理之正推而至於天下

次定四車全書 ~ 累程子曰上天之載無聲無臭其體則謂之易其理 命之謂性是專言理若云兼言氣便說率性之謂道 身中指出這个是天命之性不雜氣禀者而言〇天 之命是帶氣言之氣便有禀得多少厚薄之不同天 不去如太極雖不離乎陰陽亦不雜乎陰陽○按輯 命謂性之命是統乎理言之然天之所命不離乎氣 謂性之命與死生有命之命不同何也曰死生有命 但中庸此句乃是以理言〇天命之謂性者是就人 西山讀書記

道便不是又曰仁也者人也合而言之道也率性之 命之謂性此言性之理也令人言性柔緩性剛急皆 同乎性字不可一裝論生之謂性止訓所禀受也天 者自然之理也又曰道即性也若道外尋性性外尋 生來如此此訓所禀受也若性之理則無不善曰天 則謂之道修道則謂之教〇生之謂性與天地之性 則謂之道其用則謂之神其命於人則謂之性率性 謂道也又曰率性之謂道率循也若言道不先立下

謂教此則專主人事〇呂氏曰中者天道也天徳也 者是所謂性也循其性而不失是所謂道也此亦通 地之間與萬物同流天幾時分別是人是物修道之 性率性之謂道者天降是於下萬物流形各正性命 則為牛底性又不為馬底性此所謂率性也人在天 名義則茫茫然何處下手何處着心又曰天命之謂 (物而言循性者馬則為馬之性又不做牛底性牛

歌定四軍全書

降而在人人禀而受之是之謂性書曰惟皇上帝降

西山讀書記

齊而不中節如使所得於天者不喪則豈不中節乎 受天地之中以生而拾於最爾之形體常有私意小 東於下民傳曰民受天地之中以生此人性之所 皆道也在彼者君臣父子夫婦昆弟朋友之交皆道 故良心所發莫非道也在我者惻隱羞惡辭讓是非 必善故曰天命之謂性性與天道本無有異但人雖 智挠乎其問故與天地不相似所發遂至於出入不 也在物之分則有彼此之殊在性之分則合乎內外

こうすいこと 是乎故曰率性之謂道〇游氏曰天之命萬物者道 異制而上下之分莫敢爭非出於性之所有安能致 喪服異等而九族之情無所憾自王公至皂隷儀章 則道在我矣此率性之謂道也若出於人為則非道 也而性者具道以生也因其性之固然而無容私馬 者其應也亦重所感輕者其應也亦輕自斬衰至總 怒哀樂之所發則爱必有差等数必有節文所感重 體而已是皆人心所同然乃吾性之所固有隨喜 西山清書礼 9

銀定匹店全書 離性非道也性天命也命天理也道則性命之理而 過不及者取中馬所以教也謂之修者盖亦品節之 矣○楊氏曰天命之謂性人欲非性也率性之謂道 性曰尊德性孟子曰知性養性未當言修也然則道 謂學以修性非知性者也故孔子曰盡性子思曰率 無不善則不可加損也無俟乎修馬率之而已揚雄 其可修乎曰道者日用而不知也先王為之防範使 巳孟子道性善盖原於此謂性有不善者誣天也性 卷

20 10 mil 1021 未萌之處指其自然發見各有條理者而言以見道 之所以得名非指修為而言也呂氏良心所發以 計用數假饒立得功業只是人欲之私與聖賢作處 異耳○又曰人性上不可添一 故在天曰命在人曰性率性而行曰道特所從言之 天地懸隔○朱子曰程子之論率性正就私意人欲 世法只是率性而已所謂率性循天理是也外邊用 而巳〇又曰性命道三者 西山清古记 體而異名初無二致也 物竟法之所以為萬 去

金方口と全書 至安能致是一節亦甚精密但謂人雖受天地之中 志

以生而格於形體又為私意小知所撓故與天地不

所謂無容私馬則道在我楊氏所謂率之而已者似 復子思程子所指人欲未的自然發見之意矣游氏 亦皆有呂氏之病也〇此率字不是用力伊川謂合 道則所謂道者又在修為之後而反由教以得之非 相 而言之道也是此義〇率性之謂道只是循性去皆 似而發不中節必有以不失其所受乎天者然後爲

義禮智物豈不有但偏耳隨他所通處道亦無不在 是道呂氏說以人行道若然則未行之前便不是道 出底道理〇程子謂通人物而言馬則為馬之性馬 理去皆是道如穿牛鼻絡馬首皆是隨他所通處仁 乎〇性是箇渾淪物道是性中分派條理隨分派條 ○性與道相對則性是體道是用道便是在裏面做

西山讀書記

Ļ

性 發順而循之者為道然亦未免循之而不失之意循 之而不失病在不失順而循之其病在順須要見得 如 為緩是人為便不是自然底道理怵惕惻隱是愛赤 曰是或引伊川循之而不失語以問者勉齊黄氏曰 ノモル 非有意於不失亦非有意於順若是有意便是人 此則循性不是道而不失方是道也又引類而循 也者人物不能不循循而見之常行之間便是道 順而修之以為程子之密古又謂因其良心之所 と言

良心所發便是循性今曰因其良心之所發順而 氣言者也天命之謂性以理言者也以氣言之則人 之異而於此章乃無人物而言何也曰生之謂性 之義盖本程子之說而黄氏又辨不失二字為有病 之則良心所發不是循性又何自而發耶待其既發 又益精矣或謂朱子於告子生之謂性章深言人物 子之道所以有是道者是循其性而自然有是道則 而循之則是率情不是率性矣○思按朱子論率性 循

火芝四軍 ~~

西山讀書記

禮運人者其天地之德陰陽之交鬼神之會五行之秀 禀之性矣以是而觀則此章兼人物而言尚何疑哉 物所禀之不同以理言之則天之所命一而已矣然 則氣禀之所為而非天命之本然矣豈獨物為然凡 性也虎狼之慈仁馬牛之健順是也若夫搏噬踶觸 跟觸亦道耶曰子思之所謂率性云者循其天命之 則人物各循其性斯謂之道則虎狼之搏噬馬牛之 人之為善者皆循天命之性也而為不善則發乎氣

全ケレノ

巷

欽定四庫全書 氣也 也人感五行秀異之氣故有仁義禮智信是五行之 之盛也必形體精靈相會然後物生故曰鬼神之會 形體神謂精靈祭義云氣也者神之盛也魄也者鬼 生獨陰不成二氣相交乃生故云陰陽之交也鬼謂 則天地據其氣謂之陰陽據其形謂之天地獨陽不 德地以載為德人感 覆載為生是天地之德也陰陽 鄭氏曰言人兼此氣性純也○孔氏疏曰天以覆為 卷一讀書記

又曰故人者天地之心也五行之端也 疏以天地之德為氣鬼神五行為性恐非 所謂理也但理無不善氣則有清濁昏明之不同耳 得以為形者也然氣之流行理實寓馬非氣之外有 陽鬼神五行皆指氣而言流行天地之間而人之所 秀氣也故人者天地之德陰陽之交是其氣也鬼神 坤健順而言此天地之理人之所得以為性者也陰 之會五行之秀是其性也〇愚按天地之德盖指乾

欽定四庫全書 太極故居天地之中天地待之以為主亦賴之以為 居天地之中心居人之中張氏行義曰人者天地之 其妙氣明仁義禮智信為五行之首也〇部子曰人 之最聖也端猶首也萬物悉由五行而生而人最得 天地之間如五藏之有心人乃生之最靈其心五藏 腹內有心動静應人也故云天地之心王肅曰人於 臨下四方人居其中央動静應天地天地有人如人 鄭氏曰此言無氣性之效也正義曰天地高遠在上 西山語書記 ナル

必稱堯舜 滕文公為世子將之梵過宋而見孟子孟子道性善言 欲而失之堯舜則無私欲之敬而能充其性爾故盖 至善未嘗有惡人與堯舜初無少異但聚人泪於私 朱子曰道言也性者人所禀於天以生之理也渾然 故附此 之以為用○按邻張之言本非為此設而其義略同 用心者人之太極故居人之中人待之以為主亦赖

欽定四庫全書 而已矣 世子自桂反復見孟子孟子曰世子疑吾言乎夫道 吉凶皆先吉而後凶言是非皆先是而後非 程子曰性即理也天下之理原其所自未當不善喜 怒哀樂未發何嘗不善發而中即即無往而不善發 子與世子言每道性善而必稱堯舜以實之欲其知 不中節然後為不善故凡言善惡皆先善而後惡言 仁義不假外求聖人可學而至而不懈於用力也〇 **泛一語書記** Ŧ

王我師也周公宣欺我哉 成覵謂齊景公曰彼丈夫也我丈夫也吾何畏彼哉顏 淵曰舜何人也予何人也有為者亦若是公明儀曰丈 孟子既告世子以道無二致而復引此三言以明之 愚本同一性前言已盡無復有他說也 易行之說也孟子知之故但告之如此以明古今聖 於孟子之言不能無疑而復來求見盖恐別有卑近 時人不知性之本善而以聖賢為不可幾及故世子 欽定四軍全書 今膝絕長補短將五十里也猶可以為善國書曰若藥 不瞋眩厥疾不瘳 之言信矣 意其所以擴前聖之未發而有功於聖人之門程子 於告子之篇然點識而旁通之則七篇之中無非此 言滕國雖小猶足為治但恐安於卑近不能自克則 不足以去惡而為善也孟子言性始見於此而詳 欲世子篤信力行以師聖賢不復當求他說也 悉山韻書記 Ī

一言夫 **战贼人以為仁義與率天下之人而禍仁義者心子之** 孟子曰子能順把柳之性而以為栝楼乎將殷賊把柳 苦子曰性猶杞柳也義猶桮棬也以人性為仁義循以 **札柳為栝棬** 而後以為桮棬也如將戕賊祀柳而以為桮棬則亦將 朱子曰性者人生所禀之天理 也告子言人性本無 仁義必矯揉而後成如荀予性惡之說也

次定四軍全書 矣而告子乃以祀柳為喻其言曰以人性為仁義則 宗也人之有仁義乃其性之本然自親親而推之至 於仁不可勝用自長長而推之至於義不可勝用皆 言如此則天下之人皆以仁義為害性而不肯為是 顺其所素有而非外之也若逆乎仁義則為失其性 剛立人之道曰仁與義仁義者性之所有而萬善之 則有兩儀故立天之道曰陰與陽立地之道曰柔與 因子之言而為仁義之禍也○南軒張氏曰有太極 西山讀書記

戕贼 謂 為一物以人為矯揉而為仁義其失豈不甚乎〇或 失之甚矣盖仁義性也而曰以人性為仁義則性 口服牛乘馬皆因其性而為之胡不乗牛而服馬理 可為又是第二重義理不當引以為說○愚按程子 以為栝巷然須斬伐裁截矯操而後可成故孟子曰 不可也或人之說蓋本於此然杞柳之為桮棬尚須 把柳之可為栝樣亦性也朱子曰把柳之性固 把柳而後可以為栝捲若把柳可為而楩楠 Æ. 可 别

猶水之就下也人無有不善水無有不下今夫水搏而 孟子曰水信無分於東西無分於上下乎人性之善也 一告子曰性猶湍水也決諸東方則東流決諸西方則西 流人性之無分於善不善也猶水之無分於東西也 説 朱子曰告子因前說而小變之近於揚子善惡混之 取之也其義精矣 力仁義之性本於自然不待着力此朱子所以不

次定四車三三 一

西山讀書記

主

告于日生之謂性 勢則然也人之可使為不善其性亦猶是也 躍之可使過頹激而行之可使在山是豈水之性哉其 をこしした 子楊子之說如何曰告子以為性無善惡揚子以為 後為惡非本無定體而可以無所不為也〇或問告 朱子曰生指人物之所以知覺運動者而言告子論 性有善惡其言雖同而所以言則亦不無少異也 此章言性本善故順之而無不善本無惡故反之而 たこうで 卷

欽定四庫全書 然則大之性猶牛之性牛之性猶人之性與 孟子曰生之謂性也猶白之謂白與曰然白羽之白也 猶白雪之白白雪之白猶白玉之白與日然 孟子又言若果如此則犬牛與人皆有知覺皆能運 者同是一性矣 白羽以下孟子再問而告子以為然則是謂几有生 佛氏所謂作用是性者畧相似 性前後四章語雖不同然其大意不外乎此與近世 人一時書記 孟

覺運動人與物初不異也以理言之則仁義禮智之 得於天之氣也性形而上者也氣形而下者也人物 謂氣者當之是以把柳湍水之喻食色無善無不善 禀豈物之所得而全哉告子不知性之為性而以所 動其性皆無以異矣於是告子自知其非而不能對 之說縱橫繆戾紛紜舛錯而此章之誤乃其本根所 之生莫不有是性亦莫不有是氣然以氣言之則知 也〇今按性者人之所得於天之理也生者人之所

次定四軍全書 論萬物之一原則理同而氣異觀萬物之異體則氣 猶相近而理絕不同氣相近如知寒媛識饑飽好生 隨以異○物亦具有五行只是得五行之偏者耳○ 取只得一碗至於一桶一缸各隨器量不同故理亦 其義精矣〇人物之生天賦之以此理未嘗不同 知仁義禮智之粹然者人與物異也孟子以是折之 以然者盖徒知知覺運動之蠢然者人與物同而 物之票受自有異爾如一江水杓取只得一杓碗 西山讀書記

7

蒀

所受之氣只有許多故其理亦只有許多如犬馬形 氣如此故只會得如此事又問物物具一太極則是 臣只是義上有一點子明虎狼之父子只是仁上有 氣有昏明厚薄之異若在物言之不知是所禀之理 便有不全耶亦是緣氣禀之昏蔽故如此耶曰惟其 以為性皆受天地之氣以為形若人禀之不同固是 惡死趨利避害人與物都 點子明其他更推不去○問人物皆禀天地之理 般理不同如蜂蟻之君

骓 物 過大本論之其理則一纔禀於氣便有不同〇問動 質昏底亦可克治使明萬物之心便包許多道理不 能無偏○性如日光人物所受之不同如隙竅之受 先有大小也0人與物都一般者理也所以不同者 理無不全也曰以理言之則無不全以氣言之則 心也人心虛靈包得許多道理過故無不通雖有氣 有知植 不可言知然 物無知何也曰動物有血氣故能知植 般生意亦可見若战贼之便枯 物

次定四軍全書

.

西山讀書記

氣不同故性亦少異始得恐孟子見得人性同處自 **異又言犬之性猶牛之性牛之性猶人之性與不知** 獸者幾希庶民去之君子存之不知人何故與禽獸 物之無情者亦有理否曰固是有理如舟只可行之 於水車只可行之於陸○孟子言人之所以異於禽 不悅懌亦似有知者〇問 何故與牛犬異此兩處似欠一 分曉直截却於此似未甚察○問氣有清濁而 理是人物同得於天者如 轉語須者說是 形

塞如置實珠於濁泥中不復可見〇生之謂性生之 去泥沙則光方可見至如萬物亦有此理只為氣昏 輝光自然發見在愚不肖則如置在濁水中須是澄 理謂性〇孟子以理言性告子以氣言性〇問告子 則 同如何曰理如寳珠在聖賢則如置在清水中其

云云曰合下便是錯了他只是說生來精神魂魄凡

動用處是性正如禪家說作用是性只說得箇形而

发定四車主書

下者故孟子闢之〇釋氏云作用是性在目曰見在

西山讀書記

告子生之謂性之說也且如手執捉若執刀妄亂殺 皆可謂之弟耶〇告子說生之謂性二程都說他說 長則為不弟如曰運水搬柴即是妙用則徐行疾行 是性乃是說氣質之性非性善之性〇按程子曰告 得是只下面接得不是若如此說却如釋氏言作用 柴以比徐行後長不知徐行後長方謂之弟疾行先 耳曰聞在臭齅香在口談論在手執捉在足運奔即 人亦可謂性乎龜山舉雁居士云神通妙用運水搬

数定四車主書 告子曰食色性也仁内也非外也義外也非内也 由乎外學者但當用力於仁而不必求合於義也 食悅色者即其性故仁爱之心生於內而事物之宜 朱子曰告子以人之知覺運動者為性故言人之甘 之性則可於中却分別牛之性馬之性是他便只道 子云生之謂性几天地所生之物須是謂之性皆謂 不以生之謂性為非故朱子云云其義益精矣 般如釋氏說蠢動含靈皆有佛性如此則不可盖 -西山讀書記

義乎 之長也無以異於長人之長與且謂長者義乎長之者 孟子曰何以謂仁內義外也曰彼長而我長之非有長 於我也猶彼白而我白之從其白於外也故謂之外 日異於白馬之白也無以異於白人之白也不識長馬 長而我長之也白馬白人不異而長馬長人不同 白馬白人所謂彼白而我白之也長馬長人所謂彼 張氏曰上異於二字宜行李氏曰或有闕文爲今按

べかしつか こんばら 然則者炙亦有外與 故謂之外也 日耆春人之民無以異於耆吾炙夫物則亦有然者也 故謂之内長楚人之長亦長吾之長是以長為悅者也 曰吾弟則愛之泰人之弟則不愛也是以我為悅者也 言爱主於我故仁在内敬主於長故義在外 乃所謂義也義不在彼之長而在我長之之心則義 非外明矣 西山騎言記 艺

金厂里是人工 然孟子不攻其食色之云者使誠知義之非外則 之說正與佛者之言以作用為性義理為障者相 鹵茶而不得其正也〇飲食男女固出於性然告子 疑也此正其所謂不得於言勿求於心者所以卒於 言長之者之皆出於心也林氏曰告子以食色為性 屢屈而屢變其說以求勝卒不聞其能自反而有所 故因其所明者而通之自篇首至此四章告子之辨 以生為性則以性為止於是矣因此又生仁内義外 巷 類

之則其說又窮而終莫悟其非也其以食色為言盖 之謂性章極其立論之本意而索言之至於孟子折 有善惡之分又以孟子為未喻已之意也則又於生 則又繼而為端水之喻以見其但能知覺運動而非 **杞柳之譬既屈於孟子之言而病其說之偏於惡也** 生者是也始而見其但能知覺運動非教不成故有 性乃即人之身而指其能知覺運動者以當之所謂 之不止於食色其有以察之矣〇告子不知理之為

武定四軍全書 ~

西山讀書記

前此未有深究其弊者往往隨其所向各為一 雖多而远無一定之論也〇告子只知有人心不知 是考之凡告子之論性其不外乎生之一字明矣但 其則是固出於性無分於善不善之類也其說行則 食色固出於性然莫不有則爲今告子乃舉物而遺 有道心故有食色性也及義外之說○南軒張氏曰 與之辨而不察其所以失之端獨在於此是以其說 猶生之云爾而公都子之所引又湍水之餘論也以 一説以

炎之四事人了言 一 前者雖有萬之不同而有物必有則泛應的酬各得 遠近之宜固森然於東戴之中而不可亂事物至於 乎長雖在彼而長之者在我盖長之之理素具於此 若一緊而論則馬之長將亦無以異於人之長而可 非因彼而有也有是性則具是理其輕重親疎小大 之為色一定而不變而長之所宜則隨事而不同也 失又甚馬彼以為長之在人如白之在彼曾不知白 天理不明而人欲莫之遏矣至於仁内義外之說其 西山讀書記

としていていた 復以嗜矣喻之同為矣也而所以嗜之則在我然 外也曾不知所以長之者非在我而何出哉故孟子 内也長吾長而亦長楚人之長是以長為悅故曰義 馬謂愛吾弟而不愛春人之弟是以我為悅故曰仁 使思夫長之之為義則知義之非外矣而告子猶惑 義外之說孟子告之日且謂長者義乎長之者義乎 昧於天命而以天下之公理為有我之得私而始有 其當皆吾素有之義而非外取之此天所命也惟夫 1:1:1:1 巷

歸也 者固仁之體也不知仁義而以論性宜乎莫適其指 義外之說因為不知義矣則其所謂仁內者亦鳥知 有差等因義之所存也徒以長為義而不知所以長 楚人固有問矣其分之殊豈人之所能為哉觀告子 長義也長楚人之長亦義也長則同而待吾兄與待 仁之所以為仁者哉彼徒以爱為仁而不知愛之施 以其在彼之同而謂嗜炙之為外可乎雖然長吾之

次全四軍全書

7

西山讀書記

手

内也 鄉人所敬在此所長在彼果在外非由內 鄉 **孟季子問公都子曰何以謂義內也曰行吾散故謂之** 敬 朱子曰所敬之人雖在外然知其當敬而行吾心之 此皆季子問公都子答而季子又言如此則敬長之 人長於伯兄 心果不由中 以敬之則不在外 出也 歲則誰敬曰敬凡酌則誰先曰先酌 业 卷 业

季子聞之曰敬叔父則敬敬弟則敬果在外非由內也 将日敬叔父曰弟為尸則誰敬彼将曰敬弟子曰惡在 其敬叔父也彼將曰在位故也子亦曰在位故也庸敬 在凡斯須之敬在鄉人 公都于不能答以告孟子孟子曰敬叔父乎敬弟乎彼 暫時也言因時制宜皆由中出也 也在位弟在尸位鄉人在賓客之位也庸常也斯須 尸祭祀所主以象神雖子弟為之然敬之當如祖考

次定四軍全書

西山詩書記

圭

业 公都子曰冬日則飲湯夏日則飲水然則飲食亦在外 善而皆可為竟舜矣○南軒張氏曰季子不知性故 皆反復譬喻以晓當世使明仁義之在內則知人性 此亦上章耆灸之意○范氏曰二章問答大指畧同 亦未為失也盖敬之所施各有攸當是乃義也然公 於義內之說有疑馬公都子答以行吾敬故謂之內 都子未能本於性而論故聞季子先酌鄉人之論 1.7

當敬皆其理之素定而不易者也然則其為在內也 湯夏之飲必水是乃義也而豈外乎哉 子之言故以冬日飲湯夏日飲水磨之盖冬之飲必 其義之存於内內外之本一也公都子盖有發於孟 尸為比夫兄之當敬郷人之酌當先與夫為尸者之 亦義也可敬雖在彼而敬之者在我故孟子以弟為 無以對之蓋庸敬於兄義也以鄉人之長酌而先之 明兵而季子猶惑馬盖以叔父與第為在外而不

钦定四軍全書 一八

長一 請書記

青

||或曰性可以為善可以為不善是故文武與則民好善 為父而有舜以紂為兄之子且以為君而有微子啓王 或曰有性善有性不善是故以堯為君而有象以瞽瞍 **越属與則民好暴** 公都于曰告予曰性無善無不善也 說盖如此 朱子曰此亦生之謂性食色性也之意蘇氏胡氏之 JŁ 即湍水之說

子比干 欽定四事全書 若夫為不善非才之罪也 善矣乃所謂善也 今曰性善然則彼皆非與孟子曰乃若其情則可以為 情者性之動也人之情本但可以為善而不可以為 韓子性有三品之說盖如此 才猶材質人之能也人有是性則有是才性既善則 惡則性之本善可知矣 N 西山讀書記 麦

之或相倍從而無算者不能盡其才者也 義也恭敬之心禮也是非之心智也仁義禮智非由外 皆有之是非之心人皆有之惻隱之心仁也羞惡之心 鐮我也我固有之也弗思耳矣故曰求則得之舍則失 恻隱之心人皆有之羞惡之心人皆有之恭敬之心人 言四者之心人所固有但人自不思而求之耳所以 业 才亦善人之為不善乃物欲陷溺而然非其才之罪

足懿徳 為此詩者其知道乎故有物必有則民之秉雞也故好 詩曰天生蒸民有物有則民之秉羹好是懿徳孔子曰 善惡相去之遠由不求不思而不能擴充以盡其才 同耳 有物必有法如有耳目則有聰明之德有父子則有 彼欲其擴而充之此直因用以著其本體故言有不 也前篇言是四者為仁義禮智之端而此不言端者

天足四年全書 一

西山讀書記

丟

慈孝之心是民所秉執之常性也故人之情無不好 為賢禀其獨者為愚學而知之則氣無清濁皆可至 移者則自暴自棄之人也今按程于所說才字與孟 **堯舜至於塗人一也才禀於氣氣有清濁禀其清** 于本文小具盖孟子專以其發於性者言之故以為 於善而復性之本湯武身之是也孔子所言下愚不 問之三說皆不辨而自明矣程子曰性即理也理則 **此懿德者以此觀之則人性之善可見而公都于所** 右

炎之四東全書 人 謂無善則性果何物○性既善才亦可為善今乃至 省察矯揉之功學者所當深玩也〇告子曰性無善 於為不善非是才如是乃是我使才如此故曰非 有昏明强弱之不同矣所謂氣質之性是也二說雖 才無不善程子兼指其禀於氣者言之則人之才固 無不善非惟無不善并善亦無之謂性中無惡則可 雖有不善而不害性之本善性雖本善而不可以無 殊各有所當然以事理考之程子為家盖氣質所禀 西山讀書記 圭

做許多事我不能做得些子出故孟子謂或倍從而 之罪〇問孟子言情才皆善如何曰情本自善其發 無算者不能盡其才者也〇不能盡其才謂發得累 也未有染汙何當不善才只是資質亦無不善譬物 好便自阻隔了不順他道理做去〇論情可為善因 之白者未染時只是白也○人皆有許多才聖人却 口李朝論復性則是滅情以復性則非情如何可滅 乃釋氏之說陷於其中不自知〇理純而氣雜理

孟子道性善非是說性之善只是赞數之解某當辨 豈可謂善者非本然之性乎若如其言有本然之性 之性共尊無對緩說善時便與惡對非本然之性矣 性也行得善者亦此性也只是纔有箇行得善底便 又有善惡相對之性則是有兩性矣其得於天者此 也然行之在人則有善有惡行得喜者即本然之性 之本然之性固渾然至善無惡可對此天之賦予然 故純氣粗故雜○胡氏說性不可以善言本然

次定四軍 全書

西山語書記

圭

善底不是性若善底非本然之性却那處得這善來 裏與之為對只是行得錯底便流入於惡爾然文定 之說又得於龜山龜山得之東林總老總極聰明龜 本然之性是本無惡及至文定父子遂分成兩截說 惡言總曰本然之性不與惡對總之言本未有病盖 有箇不善底所以善惡須看對說不是元有箇惡在 既以善為贊歎之詞便是性本善矣若非性善何贊 山嘗問盃子道性善是否揔曰是又問性豈可以善

也自盆子道性善而一與中始支矣更不看道理只 子不得已而命之且寄之曰中曰一未當分善惡言 火之能熟物也首卿言性惡猶云火之能焚物也龜 數之有二蘇論性亦是如此嘗言孟子道性善猶云 認說得行底便是諸胡之說亦然知言論性曰不可 故耳若火不能焚物何從熟蘇氏論性自堯舜至孔 山反其說而辨之曰火之所以能熟物者以其能焚 以善惡辨不可以是非分既無善惡又無是非則是

改定四軍全書

1

西山讀書記

疌

告子湍水之說爾○問知言萬事萬物性之質也如 謂惡不足以言性可也謂善不足以言性則不知善 有惡則善便不得不與惡對為盛東且謂天命不 不囿於善不可以人欲對天理固無對然有人欲 何曰此未有害最是好惡性也大錯〇五峯言天命 於物可也謂其不囿於善則不知天之所以為天矣 之所從來矣〇好善而惡惡人之性也為有善惡故 理便不得不與人欲相為消長善亦本無對然既 囿 即

欽定四庫全書 義與不義禮與無禮智與無智皆是性非小失也性 可以為善亦可以為惡也同行異情盖亦有之如口 中只有天理無人欲謂之同體可乎若如此則是性 便是體故仁義禮智為體如五峯之說則仁與不仁 同行異情之說如何先生日當然之理人合恁地底 之所好亦是性也而可乎或問天理人欲同體異用 君子好惡以道小人好惡以欲是好人之所惡惡人 有好惡君子順其性小人拂其性五峯言好惡性也 **医山讀書記**

者也〇又白雲郭氏言性善之善非善惡之善先生 謂極本窮源之善與善惡末流之善非有二也但以 而其發為善惡之善者亦此善也既發之後乃有不 其發與未發言之有不同耳盖未發之前只有此善 非性也胡氏不取其說是以人欲為性矣此其甚差 於此所以與常人異耳〇龜山云天命之謂性人欲 **佚聖人與常人皆如此是同行也然聖人之情不溺** 之於味目之於色耳之於聲鼻之於臭四肢之於安 孟子曰形色天性也惟聖人然後可以踐形 道而能充其形也盖人得天地正氣而生與萬物不 可以踐其形而無歉也○程子曰此言聖人盡得 故無以踐其形惟聖人有是形而又能盡其理然後 性也踐如踐言之踐盖聚人有是形而不能盡其理 朱子曰人之有形有色無不各有自然之理所謂天 善以雜馬而其所謂善者即極本窮源之發耳○南 軒張氏曰善者性也能為善者才也 西山讀書記 무

周子曰無極而太極 形其曰可以者猶言事親若曾子可也言至於聖人 則 生蒸民有物有則物者形色也則者性也各盡其則 知賢人踐之而未盡能充其形惟聖人也楊氏曰天 而適得為能踐其形也然則有是形者皆可以為聖 同既為人須盡得人理然後稱其名衆人有之而不 其不為聖人者以其不能踐之故耳 可以踐形也○南軒張氏曰有是形者皆可以踐

欽定四庫全書一人 陰 正所以見一陰 此云耳〇大傳既云形而上者謂之道矣而又曰 極無名可名故特謂之太極猶曰舉天下之極無加 於三者之先而縊於三者之內者也正以其究竟至 也〇大傅云大極者何也即兩樣四象八卦之理具 之根柢也故曰無極而太極非太極之外復有無極 朱子曰上天之載無聲無臭而實造化之樞紐品景 陽之謂道此豈直以一陰一陽為形而上者哉 陽雖屬形器然其所以一陰 卷一讀書記 발 는 陽

是乃道體之所為也故語道體之至極則謂之太極 未嘗不行乎陰陽之中以為通貫全體無乎不在則 所以謂之無極正以其無方所無形狀以為在無物 形而具天地萬物之理故曰無極而太極以其具天 則是直以太極為有形狀有方所矣〇以其無器與 又初無聲臭影響之可言也今乃深紙無極之不然 之前而未當不立於有物之後以為在陰陽之外而 太極之流行則謂之道雖有二名初無兩體周子

欽定四庫全書 盖取樞極之義聖人謂之太極者所以指夫天地萬 聲無臭之妙也然曰無極而太極太極本無極則非 物之根也周子因之而又謂之無極者所以著夫無 其所以發明表著可謂無餘蘊矣原極之所以得 極者也聖人既指其實而名之周子又為圖以象之 而其動其靜則必有所以動靜之理馬是則所謂太 之間只有動靜兩端循環不已更無餘事此之謂易 地萬物之理而無器與形故曰太極本無極○天地 ·山. 讀書記 罕 名

無為二周子之言有無以有無為一〇太極只是天 真有始終者正南北矣○又云老氏之言有無以有 遺意與老子所謂物生於有有生於無而以造化為 五行陰陽陰陽太極則非太極之後別生二五而二 無極之後別生太極而太極之上先有無極心又曰 無極之妙盖未始不在是馬此 五之上先有太極也以至於成男成女化生萬物而 地萬物之理在天地則天地中有太極在萬物則萬 一圖之綱領大易之

陰陽即五行而在五行即萬物而在萬物只是一箇 有箇至極之理○太極不是別為一 極至周子恐人道太極有形故曰無極是無形之中 〇無極是有理而無形如性何當有形〇太極只是 物中各有太極未有天地之先畢竟先有此理〇或 極是道理之極至或曰如君之仁臣之敬便是先生 曰此是一 云太極便是人心之至理先生曰事事物物皆有箇 一事一物之極總天地萬物之理便是太極 物即陰陽而在

欽定四軍全書

7

西山讀書記

雪西

性之妙都 有南軒張氏曰太極所以形性之妙也若只曰性 之載云云是就有中說無無極而太極是就無中說 是說無這物事只有箇理能如此動靜而已〇上天 極人都想像有箇光明閃鐮底物在那裏却不知 理而巳〇太極是箇極好至善底道理〇無極而 無極而太極猶言莫之為而為 日太極則只去未發上認之不見功用日太極 見チ體用 源 顯微無間其太極之蘊數 本 太 則 而

次定四年人之言 一人 静互為其根分陰分陽兩儀立馬 太極動而生陽動極而静静而生陰静極復動一動 成之者性萬物各正其性命也動極而静静極復動 而不移也盖太極者本然之妙也動静者所無之機 生陽静而生陰分陰分陽兩儀立馬分之所以一定 繼之者善萬物之所資以始者也其静也誠之復也 太極之有動静是天命之流行也其動也誠之通也 動 静互為其根命之所以流行而不已也動而 西山讀書記

置

ジャノレ・ゲ 問未有一物之時如何曰是有天下公共之理未有 著者而觀之則動静不同時陰陽不同位而太極無 之合引之於後而不見其終之離也故程子曰動静 之理已悉具於其中矣雖然推之於前而不見其始 生陽静而生陰見得理先而氣後曰二者有則俱有 無端陰陽無始非知道者孰能識之〇問太極動而 也太極形而上之道陰陽形而下之器也是以自其 不在馬自其微者而觀之則沖漠無朕而動静陰陽 とうし 巷

18. 100 C 1.44 後也如太極動而生陽則其未斷之前固已當静矣 先後言然就中間截斷言之則亦不得不言其有先 有夜夜前已有畫〇動静無端陰陽無始本不可以 實動前是静静前又是動如畫而夜夜而畫畫前戶 吸理自如此○太極動而生陽是且從動處說起其 如鼻息無時不噓無時不吸吸盡則生噓噓盡則生 物不具是理○問太極之有動静是静先動後否 動 静循環無端無静不成動無動不成静譬 1 西山賣奪也 艺

金少口戶戶書 有 生陽静而生陰静極復動動極復静循環流轉其實 後也○當初元無 静極復動則已静之後固必有動矣就此看又有先 這裏流轉 理無窮氣亦與之無窮自有天地便只是這物事在 一歲之運都只是這箇物事衮衮將去如水車相 一箇起一箇倒一箇上一箇下如人不語則嘿不 語 中間更無空缺處〇太極動而生 一日有一日之運一月有一月之運一歲 物只有此理有此理便會動 卷 陽静而生 而

為陰正蒙云陰陽之氣循環选至聚散相盪升降相 看監看皆可見横看則左陽而右陰監看則上陽而 無時而不動静無時而無陰陽曰陰陽無處無之横 就 陽動静以大體言則春夏是動屬陽秋冬是静屬陰 下陰仰手則為陽覆手則為陰向明處為陽背明處 陰不是動後方生陽蓋才動便屬陽靜便屬陰○陰 經蘊相揉相無相制欲一之不能蓋謂是此○ 一日言之畫陽而動夜陰而静就一時一刻言之 三一黄 三日

多定四库全書 静而生陰陰主凝然後萬物各正性命○太極未動 者謂此語最精盖太極是理陰陽是氣理無形而 者根乎陽故也〇問如何是所乗之機曰理搭於氣 相依而未當相離也〇圖解云動静者所乗之機識 而行〇太極理也動静氣也氣行則理亦行二者常 有陰之根動所以必静者根乎陰故也静所以必 之前便是陰静陰静之中自有陽之根陽動之中 而生陽元未有物且是如此動盪所謂化育流行也 表、 動

動了静静了又動先生曰然〇自見在事物觀之則 静言惟動而生陽静而生陰理寓於氣不能無動静 所垂之機垂載之垂其動静者乃垂載在氣上不覺 底天地四方是也易有兩義一是變易便是流行底 流行底寒暑往来是也分陰分陽兩儀立馬是定位 陽有个流行底有个定位底一 有迹氣既有動静則所載之理亦安得無動静〇 是交易便是對待底○問太極是理理不可以動 動 一静互為其根

欽定四庫全書 著矣 陰陽函太極推其本則太極生陰陽〇南軒張氏曰 亨也動極而静利而貞也動静之端立則陰陽之 端 太極函動静之理者也有體必有用太極之動始 静陰陽之理無不具於其中循其用 不窮謂之通語其體則無極而太極冥漢無朕而 根非 相感太極之道然也故曰一 動 動之能生静静之能生動動而静静而 一静互為其根動為静之根而静復為動 卷山京下沿 圆 開謂之變往来 則動静之為陰 動 形 而 兩

陽變陰合而生水火木金土五氣順布四時行馬 質而語其生之序則曰水火木金土而水木陽也火 金陰也以氣而語其行之序則曰木火土金水而木 有太極則一動 之内此易之所以為易也 陽者闔闢往来變化萬物而太極之體各全其形器 而 陽也金水陰也又統而言之 五行具然五行者質具於地而氣行於天者也以 一静而兩儀分有陰陽則一變 二二歲 百巴 則氣陽而質陰也

欽定匹库全書 也 錯綜 錯 勝窮然無適而非陰陽之道至其所以為陰陽者則 金叉生水循環相生〇陽變陰合初生水火水火氣 四 確然有定形矣○ 生金其運行處則水生木木生火火生土土生金 無適而非 流動閃爍其體尚虚其成形猶未定次生木金 而言之則動陽而静陰也盖五行之變至於不 而生其端乃天一生水地二生火天三生木地 太極之本然也〇水陰根陽火陽根陰 問陽變陰合如何曰陽 表で 動 而陰 可 則

五行一 生也各一其性 能離乎太極至其所以為太極者又初無聲臭之可 氣而皆不能外乎陰陽陰陽異位動静異時而皆不 亦未當不各具於一物之中也盖五行異質四時異 本之以明其渾然 五行具則造化發育之具無不備矣故又即此而推 陰陽也陰陽一太極也太極本無極也五行之 體莫非無極之妙而無極之 ちんばらり 妙

欽定四庫全書 無極之真二五之精妙合而凝乾道成男坤道成女二 氣交感化生萬物萬物生生而變化無窮馬 言是性之本體然也天下宣有性外之物哉然五行 夫天下無性外之物而性無不在此無極二五所以 性之無所不在又可見矣 其性則渾然太極之全體無不各具於一物之中而 之生隨其氣質而所禀不同所謂各一其性也各 混融而無問者也所謂妙合者也真以理言無妄必 Jet'

化無窮矣自男女而觀之則男女各一其性而男女 也氣聚成形則形交氣感遂以形化而人物生生變 順者成女則母之道也是人物之始以氣化而生者 類凝聚而成形馬陽而健者成男則父之道也陰而 謂也精以氣言不二之名也凝者聚也氣聚而成形 也盖性為之主而陰陽五行為之經緯錯綜又各以 太極也自萬物而觀之則萬物各一其性而萬物 太極也蓋合而言之萬物統體一太極也分而言

多定匹库全書 惟人也得其秀而最靈形既生矣神發知兵五性感動 而善惡分萬事出矣 也○愚按氣化形化本程子說當考 物與二五之精相合也言無極之真未常不存其中 與理合而成性也〇南軒張氏曰非無極之真為 心水火木金土是仁義禮智信化生萬物是萬事又 之一物各具一太極也○太極便是性動靜陰陽是 云無極之真二五之精妙合而凝此數句甚妙是氣

聖人定之以中正仁義 3.30 禀性方存在裏面無氣則性亦無所寄失 萬事矣〇問五行之生各一其性五性感動而善惡 陰神發於陽五常之性感物而動而五性之殊分為 分此性字是其氣禀言之否曰性離氣禀不得有氣 失其性之全所謂天地之心而人之極也然形生於 運而人之所禀獨得其秀故其心為最靈而有以不 八物之生莫不有太極之道馬然陰陽五行氣質交 しいよりいっと

立 而主静 金厅四库全書 義盖一 五行之秀氣以生而聖人之生又得其秀之秀者是 此言聖人全動静之徳而常本於静也盖人禀陰陽 無欲故静 以其行之也中其處之也正其發之也仁其裁之也 聖人之道仁義中正而已矣 極馬 一静莫不有以全夫太極之道而無所

體立而後用有以行故程子論乾坤動静而曰不專 何故不言禮智而言中正曰中正字尤切又曰中正 位乎中而天地日月四時鬼神有所不能違也盖必 馬則向之欲動情勝利害相政者於此乎定矣然静 亦 者誠之復而性之貞也的非此心寂然無欲而靜則 正仁義動靜周流而其動也必主乎静此其所以成 則不能直遂不愈聚則不能發散亦此意爾〇問 何以酹酢事物之變而一天下之動哉故聖人中

欽定四庫全書 貞中是亨仁是元○問聖人定之以中正仁義日本 無先後此四字配金木水火而言中有禮底道理正 通書以正為智〇主静者主正與義也正義便是利 去便是固所以正字較親切〇知是非之正為智故 字謂正而固也一正字未盡必無固字所謂智之實 有智底道理如乾之元亨利貞元即仁亨即中利即 知斯二者弗去是也知是端的真知恁地便是正弗 二字較有力〇中者禮之極正者智之極伊川解貞 卷匹 山計書記 至 シューローニんは 只管 秋冬收飲則春夏方能生長若只管生長將去却 通書都是恁地說如云禮先而樂後〇且如四時有 義四者常在這裏流轉然常靠着箇静做本若無夜 與仁為用聖人只是主静自有動底道理○中正仁 義貞即正皆是此理至於主静是以正與義為體中 則做得畫不分曉若無秋冬則做得春夏不長茂如 終日應接須少休歇便精神較健如生物而無冬 一向生去元氣也有竭時中仁是動正義是静 西山葡書記 五

金万世屋人 虚静須是如此做工夫○愚按自五性感動而善惡 分萬事出人心之太極始不能自保矣於是聖人定 恐只管静去遂與事物不交涉却說个敬云敬則自 欲故静曰欲動情勝則不能静〇聖人定之以中正 後見得動恁地好○主静者夜氣一章可見○問無 甚了期便有許多元氣故復見天地之心這便是静 之以中正仁義而主静所以立在人之太極此中 仁義而主静正是要人静定其心自作主宰程子又 巷

用互舉其肯明矣然仁義性也謂之用可乎盖自性 者太極陰陽也本註言仁義中正者陰陽太極也體 而向之擾擾不齊者於是乎定矣本文言中正仁義 為太極之全也聖人之道其體配太極其用配陰陽 所謂修道之教也中正者太極之全仁義者太極之 以此立道垂教而使天下之人一惟中正仁義是趨 分程子嘗謂中者天下之大本天地間亭亭當當直 一直下之正理此盖以形性之本體故愚敢以中正

金完四庫全書 人 君子修之吉小人悖之山 寡以至於無則静虚動直而聖可學矣 聖人太極之全體一動 情言之則仁義其體而四端其用也自太極言之則 亦在乎敬肆之間而已矣敬則欲寡而理明寡之又 以吉也不知此而悖之小人之所以凶也修之悖之 極盖不假修為而自然也未至此而修之君子之所 仁義為五行之性而屬乎用矣 卷一部言言 一静無適而非中正仁義之

シュララ シュ 道曰仁與義又曰原始反終故知死生之說 故曰立天之道曰陰與陽立地之道曰桑與剛立人之 義也物之終也能原其始而知所以生則反其終而 實則一太極也陽也剛也仁也物之始也除也柔也 知所以死矣此天地之間綱紀造化流行古今不言 見故有三才之别而於其中又各有體用之分馬其 立也仁義成德人道之所以立也道一而已隨事著 陰陽成象天道之所以立也剛柔成質地道之所以 Q 西山賣~ 记 5

通書曰誠者聖人之本 大哉易也斯其至矣 金八正匠全書 不知也 未當明以此圖示人是則必有微意馬學者亦不可 豈不深哉柳當聞之程子昆第之學於周子也周子 易之為書廣大悉備然語其至極則此圖盡之其旨 手是圖以授之程子之言性與天道多出於此然卒 之妙聖人作易其大意蓋不出此故引之以證其說

善也成之者性也元亨誠之通利貞誠之復大哉易也 性命之源乎 斯立馬純粹至善者也故曰一陰 大哉乾元萬物資始誠之源也乾道變化各正性命誠 池 能全此而已此書與太極圖相表稟誠即所謂太極 理也人皆有之而聖人之所以聖者無他馬以其獨 朱子曰誠者至寶而無妄之謂天所賦物所受之正 一陽之謂道繼之者

好定四年全書 氣 謂也善則理之方行而未有所立之名也陽之屬也 之主矣即圖之陰静也然不雜也粹無疵也言天之 萬物各得受其所賦之正則實理於是而各為一物 言乾道之元萬物所取以為始者乃實理流出以賦 也道即理之謂也繼之者氣之方出而未有所成之 所賦物之所受皆天理之本然無不善之雜也陰陽 於人之本如水之有源即圖之陽動也乾道變化而 也形而下者也所以一陰一陽者理也形而上者

次定四軍全書 图 又曰二氣五行化生萬物五殊二實二本則一是萬為 朱子曰二氣五行天之所以賦授萬物而生之者也 自其末以緣本則五行之異本二氣之實二氣之實 之成也此於圖已為五行之性矣 者方出而賦於物善之繼也復者各得而藏於已性 屬也誠之立也元始亨通利遂貞正乾之四德也通 誠之源也成則物之已成性則理之已立者也陰之 一質萬分萬一各正小大有定 西山請書記 至

萬物之中各有一太極而小大之物莫不各有一定 自其本而之末則一理之實而萬物分之以為體故 又本 月分也又云所謂分以為體不是割成片去只如月 月 之分也〇問如此說則是太極有分裂乎日本只是 太極而萬物各有禀受又自各全其一太極爾如 在天只一而已及散在江湖則隨處而見不可謂 理之極是合萬物而言之為一太極而已也 相似

スハフ・1 /11 張子曰乾稱父坤稱母子兹藐馬乃混然中處 程子曰性即理也 是天理天理又那得有惡〇理是天地間公共之理 朱子曰天陽也以至健而位乎上父道也地陰也以 於聖門○昔人言性惡喜惡混都是不曾識性性只 後無人見得到此便是干萬世說性之根基真有功 全文見孟子道性善註〇朱子曰伊川此語自孔孟 (票得便為我所有〇性是天成許多道理 西山衛書犯 五九

故天地之塞吾其體天地之帥吾其性 金次正匠在書 至 而父母乎萬物者故啟而言之 謂萬物之所資以生者也是乃天地之所以為天地 無息之謂萬物之所資以始者此坤者 日乾坤者天地其形體也乾坤其性情 然之身混合無間而位乎中子道也然不曰天地而 陽坤陰此天地之氣塞乎兩間而人 順而位乎下母道也人禀氣於天賦質於地以貌 苍 物所資以為 順而有常之 也乾者健而

其視之也亦如已之係輩矣惟同胞也故以天下為 之所自是亦本之天地而未當不同也故曰吾與則 之中又為同類而最貴馬故曰同胞則其視之也皆 殊故其於性也不無明暗之異惟人也得其形氣之 命之全故與我不同類而不若人之貴然原其體性 正是以其心最靈而有以通乎性命之全體於並生 如已之兄弟矣物則得夫形氣之偏而不能通乎性 人如下文之云惟吾與也故凡有形於天地之間

次定四車全書 民吾同胞物吾與也 句 塞其所得以為性者皆天地之即也然體有偏正之 帥吾其性深察乎此則父乾毋坤混然中處之實可 志為氣之帥而人物所得以為性者也故曰天地之 體者也故曰天地之塞吾其體乾健坤順此天地之 見矣○問西銘之義曰緊要血脉盡在其體其性 物並生於天地之間其所質以為體者皆天地之 西山酯書記 六

